

MIZIAD
ar brezhoneg
ar Zouar Alre
01/31/03 2018



SADORN 03/03

Lenomp Asampl !

Un emgav e brezhoneg en-dro d'al levrioù ha pa vehent skrivet e brezhoneg, e galleg, e saozneg pe en ur yezh arall. Dait da ranniñ ho soñjoù hag ar blijadur ho peus bet é lenn ul levr.

10e30-12e, mediaoueg Brec'h, digor d'an holl evit netra. **Aozet get** Kerlenn Sten Kidna ha mediaoueg Brec'h.

Kontomp-diskontomp !

Selaouit, re vras ha re vihan, selaouit hag e klevehet ! Kontadennoù e brezhoneg get Patrick Drean.

15e30-16e30, Mamm Douar Kafe, An Alre, digor d'an holl evit netra. **Aozet get** Kerlenn Sten Kidna.

LUN 05/03

Predegenn

Donet a ray pare Ofis Publik ar Brezhoneg da ginnig al labour kaset gete àr dachenn an anvioù-lec'h, an troiñ, diorren ar yezh.

20e30, sal ar Gerlenn, An Alre, digor d'an holl evit netra. **Aozet get** Kerlenn Sten Kidna.

MEURZH 06/03

Sine-Kleub

Da vout bannet, un heuliad filmoù berr : **Kakahuet** get Stéphane Ac'h, **Petra 'zo da c'hounez ?** get Jocelin Talarmain hag **Ar mor atav** get Emmanuel Roy. Goude ar film e vo roet ar gaoz d'an dud, an digarez da eskemm e brezhoneg get ar sevenour Jocelin Talarmain. **20e45**, sinema Ti Hanok, An Alre, 6,90€. **Aozet get** Ti Hanok ha Ti Douar Alre.



GWENER 09/03

Predegenn

Donet a ray Daniel An Doujet da gomz a-ziàr al labour en deus kaset en-dro d'ar skrivagnerion a Vro Wened ha d'e antologiezh a-zay er-maez a-benn emberr. **20e30**, mediaoueg St^{ez}-Anna Wened, kazal Hillion, sal vras, digor d'an holl evit netra.

Aozet get Ti Douar Alre ha mediaoueg St^{ez}-Anna Wened.

SADORN 10/03

Troiad-bale

Kaset e voc'h get Patrick Drean ha Maïell Yvon da vale etre ar parkoù-istr ; un digarez da zizoloiñ e brezhoneg un endro hag ur vicher. **Emgav da 10e** en Istreg, e Lokoal-Mendon ; bizitiñ ar parkoù-istr da vintin, pik-nik (kasit ho poued geneoc'h) ha baleadenn dre ar maezoù d'enderv. **Aozet get** Kerlenn Sten Kidna. Evit gouiet hiroc'h : Patrick Dréan, 06 74 99 16 06.

LUN 12/03

Flashmob

Un emgav digor en-dro d'ar c'han àr marc'had An Alre. Digor d'an holl evit netra.

10e-11e, dirak tavarn ar C'hadoudal, àr ar Blaenenn. **Aozet get** Ti Douar Alre ha Kerlenn Sten Kidna.

MERC'HER 14/03

Ur wezh e oa...

Ul lennadenn kaset e brezhoneg get Jean-Claude Le Ruyet evit ar vugale etre 3 hag 11 vlez en-dro d'al levrioù e brezhoneg hag ar blijadur da selaou doc'h un istor lennet a vouezh uhel. **16e-16e45**, mediaoueg Brec'h, digor d'an holl evit netra.

Aozet get Ti Douar Alre ha mediaoueg Brec'h.



Abadenn sonerezh

Kinnig a ray deskidi skol sonerezh Akademiezh St^{ez}-Anna Wened div sonadeg vihan er vediaoueg (telenn, uilleann pipe, bombard, fleüt ha kan). **11e15ha 16e15**, digor d'an holl, evit netra. **Aozet get** mediaoueg St^{ez}-Anna Wened.

GWENER 16/03

Filaj

Ha bourriñ a rit é kanal pe é selaou doc'h ar re arall é kanal ? Dait 'ta d'an davarn Le Rendez-vous des chasseurs e Fetan-ar-bleuñv e Pleñver ! Adal **20e30**, digor d'an holl evit netra. **Aozet get** Ar Vammenn, Kerlenn Sten Kidna ha Ti Douar Alre.

SADORN 17/03

C'hoarioù hengounel

Dait d'an Ekomirdi da zizoleiñ en-dro c'hoarioù hengounel Breizh ; ar c'hoari bouloù, ar paledoù hag ar c'hilhoù. Bevit ur mare leun a eskemm hag a blijadur. **14e30-16e30**, Ekomirdi St-Degan, Brec'h, 6 € (digresket : 3 €). **Aozet get** Ekomirdi Sant-Degan.

Pred kanet

Rost-er-forn en asiedoù ha tud da ganal sonennoù e brezhoneg gete ! Adal **19e30**, Bar Breton, Brec'h, 14 € (hep an evaj). **Aozet get** ar Bar Breton ha Ti Douar Alre. Evit lakaat hoc'h anv, pellgomzit d'ar 06 87 43 50 40.

SUL 18/03

Overenn e brezhoneg

Un overenn lidet e brezhoneg penn-da-benn get an Tad Jean Le Berrigaud. **10e**, iliz St Per ha St Paol e Mendon. **Aozet get** Ar Vammenn get sikour Bodad an Eskopti evit ar brezhoneg.



MERC'HER 21/03

Lennadenn divyezhek

Un emgav evit ar vugale etre 3 hag 7 vlez en-dro d'al levrioù e brezhoneg hag ar blijadur da selaou doc'h un istor lennet a vouezh uhel. **17e-17e45**, mediaoueg An Alre. Digor d'an holl evit netra. **Aozet get** Ti Douar Alre hag ar Greizenn Sevenadurel Athéna.

Unan, daou, tri, setu ma fri !

Ur penn-devezh e brezhoneg evit bugale Kreizenn-dudi Pleuwigner. Dañset, kanet ha c'hoariet e vo ! **14e30-17e**, miret evit bugale kreizenn an dudi. **Aozet get** Kerlenn Sten Kidna ha Kreizenn-dudi Pleuwigner.

LUN 26/03

Sine-Kleub

Doc'h ar skramm, an teulfilm «Botoù-koad dre-dan» savet get Soazig Daniellou a-ziàr istor Strollad Ar Vro Bagan. Goude ar film e vo roet ar gaoz d'an dud, un digarez da eskemm get ar sevenourez. **20e45**, sinema Ti Hanok, An Alre, 6,90 €. **Aozet get** Ti Hanok ha Ti Douar Alre.

YAOU 29/03

Filajamb !

Soniñ a veg a blij deoc'h ? Lakait hoc'h anv ! **Filajamb !** eo anv un heuliad abadennoù a vez dalc'het meur a wezh a-hed ar blez e ti an dud. Adal **20e**, evit gouiet hiroc'h ha lakaat hoc'h anv, pellgomzit d'ar 02 97 29 16 58. **Aozet get** Kerlenn Sten Kidna.



GWENER 30/03

Deomp d'ar mirdi !

Un digarez da welet un diskouezadeg, d'en em soñjal ha da eskemm e brezhoneg a-ziàr labour an arzourion. An taol-mañ e yimp da welet labourioù Nicolas Fedorenko, Gilgian Gelzer, Jean-Pierre Vielfaure ha re studierion skolioù arzoù.

15e-17e, park Kergweheneg, Begnen. Digor d'an holl evit netra. **Aozet get** Ti Douar Alre

SADORN 31/03

Komzamb asampl !

Lakaat a ray Jean-Jacques Le Floc'h hag Agnès ar gaoz a-ziàr o beaj àr-droad etre Pleheneg ha Zestochowa (Polonia).

15e-17e, An Ardeven, sal Bocage. Digor d'an holl evit netra. **Aozet get** Ar Vammenn.

Fest-noz

Get **Ruz Reor**, an triad **Dauneau-Tréguier-Kergosien**, ar c'houblad **Ribouchon-Paulo** (kemer a ray perzh bugale ar skolioù divyezhek a rouedad Dihun Bro An Alre en abadenn). **21e**, sal an Erminiged, Pluergad, 6 € (adal 12 vlez).

Aozet get Dihun Bro An Alre.

A-HED AR MIZIAD

Kafe, bara-amanenn

Kafe da evet, bara-amanenn da zebrñ ha tud da varbotal e brezhoneg !

14e30-16e30, sal an Tanin e Pleuwigner. Digor d'an holl evit netra. **Aozet get** Kerlenn Sten Kidna.

• d'ar merc'her 14 ha d'ar merc'her 28 a viz Meurzh.



Abadennoù tañva d'ar brezhoneg

Un abadenning evit an nann-vrezhonegerion c'hoant gete deskiñ lâret un toullad traoù diazez e brezhoneg : saludiñ, en em brezantiñ, kimiadiñ, kontiñ betek 10, digor d'an holl evit netra. **Aozet get** Ti Douar Alre.

- d'ar merc'her 7 a viz Meurzh, **14 e 30-15 e 30**, sal Bocage, En Ardeven,
- d'ar merc'her 14 a viz Meurzh, **14 e 30-15 e 30**, mediaoueg, Landaol,
- d'ar merc'her 21 a viz Meurzh, **14 e 30-15 e 30**, sal liesimplij, Meriadeg,
- d'ar merc'her 28 a viz Meurzh, **14 e 30-15 e 30**, Kreizenn Sevenadurel Athéna (kafeteria), An Alre.

Abadennoù tañva d'ar yezh er skolioù

Da razh ar skolioù divyezhek a Vro An Alre eh eus bet kinniget abadennoù tañva d'ar yezh, kement ha roiñ un digarez d'ar vugale da dostaat doc'h ar brezhoneg evit ar wezh kentañ evit ul lodenn vras anezhe. Ur skipailhig animaterion a yay da gas abadennoù tañva d'ar yezh er skolioù o deus er goulennet. **Aozet get** Ti Douar Alre ha Kerlenn Sten Kidna.

Dorioù digor er skolioù : un digarez da dañva an divyezhegezh

• D'ar gwener 23 a viz Meurzh :

- skol Stez-Tereza en Alre, etre 16e30 ha 18e30 (monet e darempred : 02 97 24 11 65),
- skol Pont-Douar e Brec'h, etre 16e ha 18e, (monet e darempred : 02 97 57 62 77),
- skol Itron-Varia-ar-Bleuñv e Lokoal-Mendon, etre 16e30 ha 18e30 (monet e darempred : 02 97 24 65 43).

• D'ar gwener 30 a viz Meurzh :

- Skol Diwan An Alre, etre 16e30 ha 18e (monet e darempred : 02 97 24 23 53),
- Skol er Groez-Ven e Pleñver, etre 16e30 ha 18e, (monet e darempred : 02 97 56 83 63).



Pennadoù en ho kazetennoù

Bep sizhun e kavehet e-barzh ho kazetennoù pennadoù é tenniñ d'ur ger peotramant d'un droienn vrezhonek. Un digarez eo da zeskiñ traoù ha da binvikaat e yezh. Bep gwener e vint embannet en Télégramme ha bep sadorn er Ouest-France.

Sinema e brezhoneg evit ar vugale

15^{vet} troiad Daoulagad Breizh : e Ti Hanok en Alre hag er Greizenn Sevenadurel Terraqué e Karnag e vo kinniget filmoù-bevaat e brezhoneg d'ar vugale skoliataet en hentennoù divyezhek ha Diwan e Bro An Alre. Doc'h ar skramm : **Ar gaoenn** evit ar re vihan hag **Al louarn bras drouk** evit ar re vras.

DA VOUT KAVET ER PRETIOÙ



Dasparzhet e vo evit netra e-barzh pretioù Bro An Alre, ur c'hondre divyezhek e-lec'h ma vo kavet troiennoù ha gerioù é tenniñ d'ar boued ha d'an daol (evit er goulenn, dait e darempred geneomp ha kasit ur postel da : olierberson@tidouaralre.com).



Ti Douar Alre, 11 ru an Tanin, 56330 PLEUWIGNER.

02 97 78 41 40, degemer@tidouaralre.com

WWW.TIDOUARALRE.COM



Le Télégramme

